


Hngakchia caah Bible

Achuahtu



Vancung,
Pathian Inn
Dawh



Attial tu: Edward hughes

Hrilhfiang tu: Lazarus
Alastair Paterson

A hmangtu: Sarah S.

Alettu: Hre Ling


Achhuah tu: Bible for Children
www.M1914.org

©2020 Bible for Children, Inc.

Lisen: Hi tuanbia hi Zawr awk si lo in hman awk ah copy
le print tuah khawh a si.




Jesuh nih vawlei i a rak um lioah, a lamkaltu hna kha
vancung kong a rak chimh hna. "Ka Pa Inn",
tiah a rak ti hna i, khaan tampi
a um ti zong a rak chimh
hna. Khaan (mansion)
timi cu, 'aa dawhmi
inn' tinak a si ko.
Vangcung cu vawlei
cung zeibantuk
inn nakhmanh in,




a kau deuh i aa dawh deuh.



Jesuh nih hitihin a rak chim: "Nan caah hmun remh ding in ka kal lai. Ka remh dih tik ah ka ra than lai i kan kal pi hna lai. Cun, ka sin ah nan um cang lai."



Thihnak in athawhtthan hnuah khan Jesuh cu vancung ah a kai taktak. A lamkaltu hna i an mithmuh bak ah, Jesuh cu van ah cawi a rak si, cun minmei nih a hunphenh i an hmu kho ti lo.



Cu ri cun, Khrihfa hna nih Jesuh biakam ningin a ra
tthan lai i, a kan kalpi lai tiah an hngalh peng. Jesuh
nih an ruah lo caan ah ruahphak lo in ka
ra tthan lai, a ti. Sihmanhselaw,

Amah a rat hlanah a thimi
khrihfa hna kong tah, zeitin
dah a si lai? Bible nih
Jesuh sinah an kal colh
ko, tiah a kan chimh.

Pumsa in kan um
ti lo cu, Bawipa




Pathian he an
um cang

he kan um cang
tinak a si ko.



Bible chung i a hnu bik a simi Biathlam cauk
nih, vancung khuaruahhar a sizia cu a kan chimh.
Khuaruahhar bik a sinak cu, phundang tein a um i,
vancung cu Pathian Inn a si. Pathian cu khuazakip ah
a um ko nain a
Bawitthutdan
cu Vancung
ah a um.




Vancungmi hna le vancung i a ummi
hna nih Pathian cu vancungah an
biak. Pathian minung A thi i,
vancung a kai cangmi hna zong
nih an biak ve. Annih nih
phundangte a simi Pathian
thangtthatnak
hla kha
an sa.




An sakmi hla chungin a bia acheu cu hihi an si.
"NANGMAH CU THANGTTHAT AWKAH NAA
TLAK , ZEICAHTIAH NA
THISEN IN MIPHUNKIP LE
RAMKIP CU NA KAN TLANH
I, SIANGPAHRANG LE
TLANGBAWI
SI DINGIN
PATHIAN
SINAH NA
KAN
PHAKTER".
(Biathlam
6:9)




Bible cauk a donghnak bik cahmai ah Vancung cu,
"Jerusalem Thar" tiah a chim. A ngan tuk hringhran
i, vampang sangpi in aa kulh. A vampang cu Jasper
lungvar a si i, tleng lakin hmuh khawh a si.




Vampang a hram cu lung mansung le lungvar hna in
khuh a si, a dawh ngaingaimi a si i a tleu in a tleu.
Khuapi kutka hna cu sui lungvar tlangkhatpi
lawng a si!




Cu sui lungvar kutka hna cu zeitik hmanhah khar
an si bal lo. A chungah lut in zoh tuah usih. A va
lianngan hringhran dah! Vancung cu a chung aa dawh
chinchin lai. Khuapi cu sui fangfak a si. Thlalang
thiangmi bantuk
a si. Khuapi
chung tlang
hmanh sui in
sermi a si.



Pathian Bawitthutdan in a thiang le aa dawh mi
nunnak tiva a luang. Tiva kam khatlei veve ah nunnak
thingkung an um, cu thingkung cu Eden dumchungah
rak hmuh hmasa bik mi a si. Hi thingkung cu
phundang ngaingai a si. Theitlai phun hleihnih
lengmang a tlai i, thlakhat ah phun hleihnih lengmang
a tlai. Nunnak thingkung i a hnah cu miphun vialte
caah damnak a si.




Vancung nih cun ceunak caah nika le thlapa a herh
hna lo. Patian sunparnak nih khuaruhhar ceunak in
a khahter. Zan zehmanh a um ti lo.



Vancung ah cun saram hna hmanh hi an i dang ngai.
An dihlak in an ngam i, komh awkttha an si dih.
Cenghngia le tuufa hna nih ram an ei tti. A tthawng
ngaimi chindeih hmanh nih cawtum bantukin capawl
a ttam ve ko. Bawipa nih hitihin a chim: "Ka
tlangthiang ah cun, fahnak an i pe lai lo i,
rawhralnak zong an i pe lai lo", a ti.



Khua kan cuanh tikah, vancung ah a chambaumi thil
an um ti kan hngalh. Thinhunnak bia theih a um ti lo.
Aa si thiam ahohmanh an um lo, mah zawnlawng
ruatmi zong
an um lo. Inn
ka vialte
zong tawh
hrenh
an umlo,
zeicahtiah
vancung
ah cun
mifir an
um lo.



Vancung ah cun, lihchimmi zong an um lo, lainawngmi
zong an um lo, eithiam zong an um lo, mitthalo zong
an um lo. Vancung
ah cun zeibantuk
sualnak
hmanh a um
hrimhrim
lo.







Vancung ah Pathian he
cun mithli tlaknak a um
ti lo. A caancaan ah cun,
Pathian minung hna cu
fakpi in an ttap tawn,
zeicahtiah hi kan nunnak
(atu kan nunnak) caah
hin an ngaih a chia tuk
hringhran. Vancung ah
cun Pathian nih mitthli
vialte a hawh dih lai.




Vancung ah cun, tthihnak zong a um ti lo.
Pathian minung hna cu Bawipa he zungzal in an um
thluangthluan lai. Ngaichiatnak, ttahnak le fahnak
zeihmanh a um ti lai lo. Zawtnak a um ti lai lo
i, tthennak zong a
um ti lai lo, ruakvui
zong a um ti lai lo.
Vancung i a ummi
vialte cu
Pathian he
an i lawm
zungzal ko.




Vancung a tthatnak bik cu, ngaknu
le tlangval caah a ttha khun i,
upa ca zongah a ttha thiamthiam ko.
Annih nih Jesuh Khrih kha an zumh
i, Bawipa le Khamhtu ti in a
nawl an ngaih dih.



Vancung ah cun cauk pakhat a um
i, 'Tufa Nunnak Cauk' tiah kawh a
si. Cu cauk cu minung min lawngte
in a khat dih. Cuka i min ttialmi
cu ahodah an si na hngal maw?
Jesuh ah bochannak (trust)
a ngeimi an si. Nang
na min a um
ve maw?



Vancung kong ah Bible a donghnak bia cu,
khuaruahharmi Sawmnak a si. "Thlarau le Monu nih
cun, 'Ra ko!' An ti. A theimi kip hna zong nih 'Ra ko!',
ti cio hna seh. Ti a halmi poah cu ra ko seh, man loin
nunnak ti a duhmi poah nih cun ding ko hna seh."



Vancung, Pathian Inn Dawh

Pathian bia ah kan hmuh mi tuanbia hi, Bible,
chung ta a si

Johan 14; 2 Korin 5; Biathlam 4; 21; 22

"Na bia thiang nih ceunak a pek."
Salm 119:1330



Adonghnak



Hi Bible tuanbia nih, khuaruahhar a si mi, a kan ser tu Pathian kha hngalh ter a kan duh. Pathian cu thil ttha lo kan tuah mi kha a hngalh, a ttha lo mi tuah cu sualnak a si. Sualnak man cu thihnak a si. Sihmanhsehlaw, Pathian nih a kan dawt tuk caah Afapa ngeihchun Zesuh Krih a kan pek i, kan mah aiawh in vailam cung ah a thi. Cu hnu ah thihnak in a tho tthan i, van cung ah a kal! Zisuh Krih kha na zumh i, na sualnak kha na ngaihchih ah cun an ngaihthiam ko lai! Na sin ah a ra lai i, nan um tti lai. A mah he zungzal nan um tti lai. Na sualnak kha kal tak na duh ah cun, hitihin Pathian sin ah thlacam: Dawt tu Pathian, Zesuh Krih cu ka caah a thi i, a tho tthan cang. Maw Bawipa, ka sin ah ra law ka sualnak viatle kha ka ngaihthiam ko. Maw Bawipa, zungzal nunnak ka ngei i na sin ah zungzal ka um nak hnga, ka sin ah ra law, ka sualnak kha ka ngaih thiam ko. Na fapa bantuk in ka nun khawhnak hnga ka bawmh ko. Amen.

Nifatin Bible rel law Pathian he i chawn uh. Johan 3:16

